

Bibliothèque numérique

medic@

**BRUCH, Karl Ludwig. Dissertatio
inauguralis medica de anagallide
quam sub divini numinis auspicio ex
decreto gratiosae facultatis medicae
pro licentia summos in arte medica
honores**

Strasbourg : Simon Kürsner, 1758.



(c) Bibliothèque interuniversitaire de médecine (Paris)
Adresse permanente : <http://www.bium.univ-paris5.fr/hist/med/medica/cote?91007x287x06>


DISSERTATIO INAUGURALIS MEDICA⁶
DE
ANAGALLIDE
QUAM
SUB DIVINI NUMINIS AUSPICIO
EX DECRETO
GRATIOSÆ FACULTATIS MEDICÆ
PRO LICENTIA
SUMMOS IN ARTE MEDICA HONORES
ET PRIVILEGIA DOCTORALIA
RITE CONSEQUENDI
PUBLICÉ DEFENDET
CAROLUS LUDOVICUS BRUCH,
TABERNÆ-MONTANUS.
DIE ~~XXII~~ MAJI MDCCLVIII.

H. L. Q. C.

ARGENTORATI,
Typis SIMONIS KÜRSNERI, Cancellariæ Typographi.

ILLVSTRISSIMO AC GENEROSISSIMO
DOMINO DOMINO
JOHANNI ASMO
LIBERO BARONI
AB
ESEBECK
SERENISSIMI BIPONTINORUM DUCIS
CONSILIARIO INTIMO ACTUALI
DYNASTÆ
IN
LIBHENA, LOCHERAU,
DRACHENBRUNN
RELIQUA
MÆCENATI SUO GRATIOSISSIMO

IN PII AC GRATI ANIMI
TESTIMONIUM
OB INNUMERA IN SE SUOSQUE
COLLATA BENEFICIA
HOCCE STUDIORUM SUORUM SPECIMEN
DAT DICAT CONSECRAT
CAROLUS LUDOVICUS BRUCH.



PRÆFATIO.

EXhibemus hicce, B. L. Dissertationem de Anagallide, planta majoribus nostris decantatissima, nostri vero ævi medicis nimis admodum neglecta. Ansam dedit, maxima fama, qua viget apud nostrates, qui solam fere, simulac optime adhibent, ad hydrophobiam morbum omnium morborum dirissimum, avertendam.

Botanicam historiam & uberiore paullo, tradere non abs re fore visum fuit. Licet enim notissima sit planta anagallis, multos tamen botanicos circa illam lapsos esse, & plures præcipue agnovisse ejus species, cum natura unicam fecerit, ex ipsa Dissertatione patet.

In viribus recensendis nimis forsitan prolixi fuimus, sed omnes debuimus referre, quas auctores herbæ nostræ tribuerunt. Unicum remedium multis mederi potest morbis.

morbis. Magnam præterea vim inesse saponaceis vegetabilium succis, amaris potissimum, omnes Præctici norunt.

Exempla a rabidis animalibus demorforum & usu anagallidis a futura rabie vindicatorum quoque adjecimus. Et ea quidem, quæ sub No. I. & II. APP. continentur, prouti ea a medicis nobiscum communicata fuere. Illa sub No. III. quæ in Valle S. Gregorii contigerunt, cum nullus ibi degat medicus, ab ipso Magistratu illius Vallis judicialiter consignari curavimus.

Integrum certe volumen nobis conscribendum foret, si omnia exempla, ab hominibus, Medicinæ ignaris, aut optis tamen, nobis relata, vellemus enarrare.

Ultimum, quod est T E B. L. rogamus, faveas conatibus nostris, si quæ minus bene, aut minus concinne dicta fuerant, ea benigne emendes, si quæ omissa, addes, ac si propria aut aliorum experientia usum anagallidis ulterius probaverit, id in publici commodum pervulges. Vale.

NOMEN.



NOMEN.



ANAGALLIS, græcum nomen, jam occurrit apud HIPPOCRATEM (a). Idem DIO-SCORIDES & abhinc Græci non modo, sed & Latini materiæ medicæ scriptores retinere.

Nolumus recoquere litem, inter veteres quosdam botanicos agitatam: an nempe planta nostra *Corchorus* fit ille THEOPHRASTI? Cum nunc botanici vix non omnes sub *Corchoro* intelligant *Melochiam* P. ALPINI.

Neque immorabimur enucleandis refutandisque illis nominibus, incertis partim ac inusitatis, partim aperte falsis e. gr. *Aeritis*, *Aegitis*, *oculi sanguis*, *Nicteritis*, *Mastotypon*, *Sauritis*, *Chelidonium*, *Macia* &c. quæ ad anagallidem referunt TRAGUS (b), JOH. BAUHINUS (c) & alii.

A

Circa

(a) *Tr. de Ulceribus* Sect. XII. *Editionis Lind.* T. II. p. 675.
(b) *Historia Stirp.* p. 387
(c) *H. Pl.* III. 370.

Circa etymologiam valde differunt auctores. Quod γάλλος græcis *Hyacinthum* significet, indeque ob hyacinthi-
 num floris colorem anagallidis nomen veniat, perhibet LO-
 BELIUS (a). Sed nos cum CL. BURGGRAVIO (b) nulli-
 bi invenire potuimus, vocabulum γάλλος Græcis unquam in
 usu fuisse. A BURGGRAVIO dissentiunt MANGETUS (c)
 & CL. BOECLERUS (d), qui, quod ab ἀνά & γάλλος, quod
 spadonem significat, aut RAJUS (e) KOENIGIUS (f)
 & alii, qui, quod ἀπὸ τῆ ἀναγάγειν τὰς ἰσχύας formatum
 fuerit ἀναγάλλος dicunt. Ab ἀναγάγειν dictam fuisse, unde
 id LINNÆUS (g) ob virtutem, uti videtur, anti-
 melancholicam, derivat, vel ideo verisimile non est,
 quod DIOSCORIDES & PLINIUS, in plantarum vi-
 ribus consignandis adeo alias prolixi, hujus virtutis plane
 non mentionem faciant. Forſan ab ἀνάγειν & ἴλος vox ἀνα-
 γάλλος composita est. Inferius enim pluribus exponetur,
 herbulæ nostræ jam a DIOSCORIDE & passim ab aliis ad-
 scribi vim aculeos e carne trahendi. Ob eandem rationem
 a folo ἀνάγειν derivatur ab ETTMULLERO (h) & supra ci-
 tato BURGGRAVIO.

Germanis ob virtutem antimelancholicam *Gauchheil*,
Geddenheil, *Bernunft und Verstandkraut*, ob antilyſſam,
Wuthkraut, ob vulnerariam *Grundheil*, *Heil aller Welt*,
 ob habitum vero externum, quo ad Alſines quasdam species
 accedit *rother Meyer*, *rother Hünerdarm* appellatur. Ab
 eo,

-
- (a) *St. Alo.* 194.
 (b) *Lexicon med. sub Tit. ANAGALLIS.*
 (c) *Bibl. Pharm. med. T. I. L. 1, p. 59.*
 (d) *Cynof. M. M. Com. I. p. 365.*
 (e) *H. Pl. II. p. 1023.*
 (f) *Regn. Veget. c. IX.*
 (g) *Pbil. Bot. p. 185.*
 (h) *Opera T. I, p. 386.*

eo, quod ad festum divi *Colmanni* usque floret, *Collmar* traus nuncupari ZORNIUS (a) putat. Gallis *Mouron*, Anglis *Pimpernell*, Hispanis *Murages*, Italis *Anagallide*, Batavis *Guychelbeyl*, Bohemis *Kurimor*, Danis *Gaaseheel*, *Rood Ursve*, *Handjord Ursve* &c. &c. audit.

Ad Grammaticos spectat, num Grammatica illa Corcyraea, cujus ATHENÆUS meminit (b), potius Ἰγάλλος aut Ἰγαγάλλος, uti SUIDAS vult, dicta fuerit; & anne illa nomen hoc ab herba nostra traxerit, uti Cicero a cicere, Lentulus a lente &c. quod CASAUBONUS autumat (c) & VOSSIUS (d).

GENUS.

CAL. *Perianthium*, quinque partitum, laciniis corollæ vix brevioribus, acutis, carinatis, persistens.

COR. monopetala, rotata, quinquefida. *Tubus* brevifimus. *Laciniæ* ovatae, fere hemisphaericae, margine superius levissime ferrato instructae.

STAM. *Filamenta* quinque, tubo corollæ inserta, teretia, barbata, æqualia, libera, erecta, corollæ paullo breviora. Singulis incumbit *Anthera* oblonga incurva.

PIST. *Germen* in fundo floris, globosum, emittit *Stylum* filiformem, staminum longitudine, parum inclinatum, persistentem, coronatum *Stigmate* capitato.

PERIC. Capsula sphaerica, membranacea, unilocularis, valvis duabus horizontaliter dehiscentibus, constans.

A 2

SEM.

(a) *Botanologia medica* p. 63.

(b) *Deipnosoph.* L. I. c. 12.

(c) *In notis ad ATHENÆI* l. c.

(d) *Pbil. Ç.* II. p. 9. *Ed. Amst.* de 1660, in 4to.

SEM. plurima, parva, angulata, alveolis placenta sicca, globosa infidentia.

Proxime anagallis ad Lyfimachiam accedit, uti ex dictis patet, ac in eo tantum differt, quod anagallidis stamina hirsuta sint, ac capsula bivalvis sit & horizontaliter dehiscat, Lyfimachia contra stamina habeat glabra, capsulamque decemvalvem in apice sese aperientem.

Contigit anagallidi, quod multis aliis generibus, ut varia ad ipsam a veteribus referrentur planta, quas valde ab ea diversas esse correctior nos docuit Botanice. Sunt autem fere sequentes.

Anagallis aquatica major folio subrotundo C. B. P. 252. I. B. III. p. 791. *Berula* s. *Anagallis aquatica* TAB. icon. 719. *Sion* FUCHS. p. 725.

Eademque minor. Anagallis aquatica minor I. TAB. icon p. 718. *Anagallis aquatica flore caeruleo, folio rotundiore minor* I. B. III. p. 790.

Anagallis aquatica major folio oblongo. C. B. P. 252. *Anagallis aquatica folio oblongo flor. coeruleo major* I. B. III. p. 791. *Berula major* TAB. ic. p. 719.

Eadem minor. Anagallis aquatica flor. purpurascente folio oblongo minor. I. B. I. c.

Anagallis aquatica angustifolia scutellata C. B. prodr. 119. I. B. I. c. Non male, ut nobis videtur, eandem cum hac esse statuunt *Anagallidem* ^{quam} LOBELII Icon. p. 467. PLUKENET & RAJUS v. PLUK. Almag. p. 385.

Omnes ob corollam quadrifidam, irregularem, stamina duo, capsulam bilocularem ab anagallide discrepant. Male ex binis prioribus speciebus peculiare beccabungæ genus fecere RIVINUS, RUPPIUS & nuper HILLIUS *bristish herbal* vid. Gött. Gel. Anz. St. 175. 1757. Recte omnes tres species ad veronicam retulerunt TOURNEFORTIUS, RAJUS, LINNÆUS, alique.

Ana

Anagallis aquatica rotundo folio non crenato C. B. P. 252. Tubo corollæ squamis clauso, capsula in apice dehiscente ab anagallide diversa est. *Samolus* est *Valerandi* I. B. III. 791. & *Linn. Sp. Pl.* p. 171.

Anagallis serpillifolia aquatica I. B. III. p. 372. *Alfine palustris minor serpillifolia* C. B. P. 252. Omnibus fructificationis partibus ab anagallide distat. Gaudet enim calyce campaniformi, duodecimfido, corolla hexapetala, staminibus sex, capsula biloculari. *Glaucis* speciem fecere *TOURNEFORTIUS* & *VAILL.* Ad *Portulacam* *RUPPIUS* retulit, *Portulam* *DILLENIUS*, *LINNÆUS* & *HALLERUS* *Peplin* dixere.

Anagallis lutea nemorum C. B. P. 252. cum stamina glabra & capsulam decemvalvem habeat, ad *Lysimachiam* pertinet. Cum qua bene jam conjunxit *TOURNEFORTIUS*. Ad idem *Lysimachia* genus ob dictam rationem pertinent & ab anagallide removendæ sunt.

Anagallis marina lutea foliis latis stellatis. *PETIV. Gazoph.* 5. Tab. 2. fig. 5. *Anagallis lutea* foliis & floribus ex eodem exortu quatuor, ex equalibus sirculorum intervalis cruciatim positis, *PLUK. mantiss.* 12. Et, quæ ad hanc pertinere non immerito videtur: *Anagallidi Monelli similis herba mariana.* *PLUK. l. c.* Est illa *Lysimachia quadrifolia.* *LINN. Sp. Pl.* 147. Proxime quoque ad eam accedit *Cruciata montana minor flore cæruleo* *BARREL. Icon.* 584. Icon enim hæc distincte exhibet plantam foliis & pedunculis quaternis, ut adeo mirum sit, *LINNÆUM* hancce ad speciem suam tertiam anagallidis referre, cum qua tamen minime convenit.

Anagallis lutea erecta major marilandica foliis oblongis acuminatis *RAJ. H. Pl.* III. 497. *Anne Lysimachia punctata* *LINNÆI?* *Sp. Pl.* 147.

Anagallis paludosa minima foliis rotundis alternatis *VAILLANTII* *B. P.* 12. T. 4. f. 2. *Anagallidastrum* *MICH. N. G.*

N. G. Pl. p. 14. T. 18. Floris segmentis ac staminibus quatuor, atque corollæ tubo globofo ab anagallide recedit. Centunculi nomen ipsi imposuit DILLENIIUS. N. gen. 5. & E. N. C. Cent. V. VI. App. quod & recentiores botanici adoptarunt.

Anagallis hirsuta, foliis alternis, floribus coeruleis, petiolo articulato insidentibus. BURM. Zeyl. 19. tab. 9. *Vistnu Claudi* H. M. XI. p. 131. T. 64. *Anagallis Zeylanica minor procumbens* RAJI III. 496. Corolla campanulata, non in quinque lacinias divisa, sed, ut ipsius RHEEDII verbis utamur, stella tantum quinquedentatam signata & seminibus paucioribus ab anagallide diversa est. Ad Convolvulum merito refert COMMELINUS & LINNÆUS Fl. Zeyl. 32. & Sp. Pl. 157.

Anagallis Zeylanica aquatica. BURM. Zeyl. 19. HERM. Zeyl. 36. Ac forsan eadem cum hac *Tsiru Vallet* H. M. X. p. 55. T. 28. *Anagallidi similis indica*, flore & fructu, foliis alternis. Corolla gaudet pentapetala, stylis duobus & seminibus minimis. Minus ergo ad anagallidem pertinet. *Namam* appellat LINNÆUS *Amœn. Acad.* Tom. I. p. 394.

Sequentes plantas, pro anagallidis speciebus venditatas, cum nullibi exactam earum descriptionem reperire potuerimus, eruditibus botanicis dijudicandas relinquimus.

Anagallis Lusitanica folio rotundiore TOURN. I. R. H. 143.

Anagallis Lusitanica latifolia parvo flore ib.

Eadem *Linariae folio major*. ib.

Eadem *Linariae folio angustiore*. ib.

Anagallis minima maritima Gallo-Provincialis. ib. De hac etiam GARIDEL dubitat H. de Pl. p. 31.

Anagallis erecta ramosa, glabris & oblongis bugula foliis BOCCONIS. RAJI III. 496. An *Samolus*?

Ana-

Anagallis supina minima polygoni folio BOCCONIS. *ibidem.* Hanc ad *Veronicam* refert PLUKENET. *Mantif.* 12. & *Almagest.* p. 384. l. 33. Potius videtur esse *Linum minimum stellatum* C. B. P. 214.

Anagallis Africana purpurea bursae pastoris minoris folio. PETIV. *Mus.* 345. Perhibet de ea RAJUS III. 496., cui ficca a SHERARDO communicata fuit, esse plantam bicapsularem, unde quidem non constat, ad quodnam genus sit referenda; id tamen certum, eandem minime *anagallidis* speciem esse posse. Inter *anagallidis* species eadem quoque numeratur a ROYENO *Lugdb.* 416. Sub nomine *Anagallidis foliis sinuatis.* Quem secutus est WACHENDORFFIUS H. U. p. 30. & LINNÆUS Sp. Pl. 149. Sed per amicos, quibus tam LEIDENSIS, quam ULTRAJECTINUS hortus optime est cognitus, facti sumus certiores, nullam hujus nominis plantam in utroque horto hodie existere. LINNÆUS autem adjecto signo † fateatur, se plantam minus recte vidisse.

Anagallis Africana flore rubro minimo D. Oldenland RAJ. III. 497. Exstat ibidem ejus descriptio sequentibus verbis: "*Alfines species est, altitudine vix palmari, in plures ramos ramulos, ab imo statim divisa & subdivisa, figura sua & crescendi modo, Anthyllidem quandam, aut Herniariam minimam dictam referens. Folia extremis suis subrotunda sunt, ex adverso bina.*" Valde affinis esse videtur *Nummulariæ minori purpurascente flore* C. B. P. p. 310. Prodr. 136. f. *Lyfimachiæ tenellæ* LINN. S. pl. 148.

Anagallis omnium minima MORIS. H. Blef. 13. H. Ox. II. 569. Hæc aut varietas *Anagallidis* esse aut ad *Veronicas* pertinere videtur.

CLAS-

CLASSES.

Lubet nunc indicare classes, quibus Botanici systematici anagallidem comprehenderunt.

CÆSALPINI V. Herbacea, folitariis vasculis. 2. *Capsula*.

MORISONI VIII. A numero capsularum & petalorum dicta 7. *molliens unicapularis*.

RAJI XIX. Vasculifera monopetala 3. *Flore pentapetaloides unicapularis*.

CHRISTOPH. KNAUTII V. Unicapularis pentapetala. 2. *Unicapularis bivalvis*. Sed male. Potius: II. Unicapularis monopetala. 1. *unilocularis*.

HERMANNI VIII. Univalcularis 1. *Polysperma*.

BOERHAAVII XV. Monangia 1. *monopetala*.

RIVINI I. Regularis monopetala. 5. *pericarpio unicapulari*.

RUPPII I. Regularis monopetala 5. *capsula simplici*.

CHRISTIANI KNAUTII I. Monopetala uniformis.

8. *Capsula simplex membranacea, polysperma*.

TOURNEFORTII II. Infundibuliformis rotatus flos.

6. *Pistillum in fructum siccum*.

MAGNOLII IX. Calyce externo & interno, monopetala. 2. *Fructu sicco non caulescens*.

LINNÆI *Methodus calycina* XII. Æqualis monopetala. 4. *Flos quinquefidus, staminibus paribus*.

Systema sexuale. V. Pentandria, *Monogynia*.

Systema naturale LII. Rotacea.

LUDWIGII I. Monopetala regularis. 4. *Pentantha*

A. *monostyla*.

HALLERI *Isostemon, flore uniformi fructui circumnato*.

ROYE-

ROYENI XVI. Oliganthera. 6. *Staminibus quinque, pericarpio uniloculari.*

WACHENDORFFII *2. Angiosperma *A Homoiodi-
periantha *d. *quinaria.*

SPECIES.

Unicam tantummodo fatis certam anagallidis speciem novimus. Est ipsi

RADIX exigua, alba, firma, vix duos pollices longa, e tereti trunculo plures fibrillas emittens.

CAULIS succulentus, modo procumbens, modo erectus, ramosus, brachiatus, quadragonus, angulis oppositis secundum foliorum insertiones alternatim paullo latioribus.

FOLIA opposita, plerumque bina, ovato oblonga & oblongo lanceolata, tribus vel quinque nervulis percursa, glabra, obtusa, margine integerrimo instructa, subtus punctis fuscis notata.

PEDUNCULI teretes solitarii, nudi, ex ala foliorum egredientes, uniflori.

VARIETATES.

1. *Flore rubro.*

Anagallis rubro flore GESN. Coll. p. 58.

Anagallis flore phæniceo. C. B. P. 252. Bas. p. 74. CAMER. Hort. m. p. 14. H. Ox. II. p. 568. TOURN. I. R. H. 142. Pl. de Par. 245. MAGNOL Char. Pl. p. 219.

HALLER Enum. St. Helv. 481.

Anagallis phænicea TAB. Icon. p. 716.

Anagallis fl. purpureo CÆS. p. 262.

B

Ana-

- Anagallis mas* DIOSC. L. II. C. 209. BRUNF. I. p. 238. MATTH. p. 621. FUCHS. H. Pl. p. 18. DOD. pempt. 32. LUGD. p. 1236. CAMER. epit. p. 394. RAJ. H. Pl. II. p. 1023.
- Anagallis mas phoenicea* LOB. Ic. p. 465. I. B. III. p. 369.
- Anagallis flore puniceo mas.* RUELL. N. St. p. 429. TRAG. p. 387.
- Anagallis terrestris mas.* THAL. p. 14. BLACKWELL. T. 43.
- Anagallis nrvensis.* LINN. Sp. pl. 148.
- Anagallis foliis indivisis flore phoeniceo.* ZINN. H. G. 252.
2. Flore cœruleo.
- Anagallis flore cœruleo* CÆSALP. 262. CAMERAR. H. m. p. 14. C. B. P. 252. Bas. 74. H. Oxon. II. 569. TOURN. Pl. de P. 245. I. R. H. 142. HALLER. Enum. St. H. p. 482. ZINN. H. G. 252.
- Anagallis cœrulea* TAB. icon. p. 717.
- Anagallis fœmina cœrulea* LOBEL. Icon. p. 465. I. B. III. p. 369.
- Anagallis flore cœruleo fœmina* RUELL. N. St. p. 429. TRAG. p. 387.
- Anagallis fœmina.* DIOSC. L. II. C. 209. BRUNF. I. p. 239. FUCHS. p. 19. MATTH. p. 622. DOD. P. p. 32. LUGD. p. 1236. CAMER. Epit. p. 385. RAJ. H. Pl. II. 1024.
- Anagallis terrestris fœmina* THAL. p. 14. BLACKWELL. T. 274.
- Anagallis Monelli* LINN. Sp. Pl. 148.
- Anagallis tenuifolia Monelli* CLUS. app. altera.
3. Flore carneo.
- Anagallis floribus carneis* PARCK. Th. 558. MAPP. PL. Alf. 22. BUXBAUM En. Pl. 19.

Ana-

Anagallis mas, & *terrestris flore carneo*. WEINMANN Phyt. T. 106. p. 44. Male hic ex una eademque planta duas facit.

4. Flore albo.

Anagallis flore albo. C. B. P. 252. GEOFFROY. III. p. 89.

Anagallis terrestris flore albo. RAJ. Synopf. 282.

5. Flore pleno.

Anagallis flore rubro pleno. VAILLANT. B. P. 12. BOEHMER Fl. L. 16. DALIBARD. Fl. P. 65.

6. Habitu majori.

Anagallis hispanica latifolia, *maximo flore*. TOURN. I. R. H. 143.

Anagallis latifolia LINN. Sp. pl. 149.

Hæcæ varietas nobis cum Cl. ZINNIO H. G. 252. præter magnitudinem omnium partium auctam a vulgari nullo modo differre videtur. Nec ideo scimus, cur LINNÆUS eam, contra legem suam botanicam, quod magnitudo species non distinguat, *Fund. bot.* §. 260. pro peculiari specie agnoscat.

OBSERVATIO.

Variis circa plantam nostram reperitur naturæ lusus. Utraque *Anagallis* tam rubro, quam cœruleo flore, uti recte annotavit TREWNIUS in *notis ad BLACKW.* T. 43. promiscue in arenosis ramos adquiret & procumbit, in argillaceis contra, maxime inter segetes absque ramis est & erigitur. Ita in arvis & campis arenosis *Plobsbemensibus* semper utramque *anagallidem* ramosam & procumbentem invenimus, erectam autem & minus ramosam inter segetes *zwischen dem Jüden und Stein-Thor* hujus urbis. Et foliorum numerus atque magnitudo valde variat, sic in eodem caule & terna & quaterna & bina folia reperiimus, cum plerumque bina sint. In macro solo caulem teretem, folia angustiora profert, latiora folia in pingui solo. Fallaces ergo omnes notæ ac pro constituendis speciebus ineptæ, quæ de habitu erecto vel procumbente *anagallidis*, deque foliorum numero ac magnitudine desumuntur. Cumque *Anagallis flore cœruleo* quoad omnes partes, solo floris colore excepto, cum illa *rubro flore* exacte conveniat, inter
B 2 illam

illam crescat, ac cum ea, uti supra dictum, vel erigatur, vel procumbat; hinc illam varietatem hujus tantummodo esse statuimus. Nec nos movet, quod a quibusdam fata colorem non mutaverit. Merito enim cum doctissimo TREWIO in *notis ad BLACKW. T. 274.* dubitandum " *numme ex puniceo floris semine incognito nobis modo provenire caerulea possit & varietatem facere, ob spontanea illa exempla.*

ICON.

Inter icones, plantæ nostræ, quæ passim apud Botanicos ichniographos reperiuntur BLACKWELLIANA & ROBERTIANA optimæ; bonas inter veniunt MATTHIOLI, quæ Anag. fl. phœniceo refert, & FUCHSII; ad malas referendæ LOBELII, TABERNÆMONTANI, TRAGI, DODONÆI; pessimæ sunt MORISONI & MORANDI, quæ folia petiolata habent, & WEINMANNI, in qua quatuor tantum floris segmenta depinguntur.

LOCUS NATALIS.

Varietas prima & secunda per universam Europam, sola fere Lapponia excepta, reperiuntur, LINNÆUS enim nullam anagallidis mentionem facit in *Flora Lapponica*. Crescunt in arvis, vinetis, pratis ficcioribus, hortis, juxta vias ac inter segetes. Varietas 6. Hispaniæ incola est. Pertinent omnes inter plantas annuas. Florent nostrates per totam æstatem.

QUA-

QUALITATES ET EXPERIMENTA CHYMICA.

Cum officinæ primam solummodo varietatem recipiant, nos hanc tantum & quidem integram plantam ad omnia experimenta sumimus.

Ea recens degustata primo non nisi herbaceum, at si diutius paullo manducaveris, amarum acrem saporem linguæ imprimit. Odorem nullum habet.

Recentis plantæ libræ XI. p. c. contusæ ac prelo commissæ exhibuerunt, succi brunni, ejusdem ponderis, libras V. Succus hicce quoad saporem perfecte cum ipsa planta conveniebat.

Exsiccatione in aëre libero facta plantæ nostræ recentis ℥xxxij. reducebantur ad ℥vij.

Ex succi recenter expressi ℥xvj. retortæ commissis, administratis debitis ignis gradibus obtinimus aquæ odoris ac saporis vix ullius ℥viiiß. Liquoris aciduli, qui protracta destillatione brunnus & aliquantum empyreumaticus evaderebat ℥vß. olei empyreumatici paullum. Carbo niger ponderabat ℥ß. Isque ad albedinem calcinatus, ac debite elixivatus largitus est salis alcali, promptissime aquam ex aëre atrahentis ʒß. residua terra pendebat ʒij.

Ex libris III. p. c. plantæ recentis, itidem retortæ commissis, debito subministrato igne obtinimus aquæ saporis & odoris expertis ℥xxviiiij. Liquoris acidi, itidem nonnihil empyreumatici ℥viiiß. Olei crassi empyreumatici, præter illud, quod retortæ lateribus adhæsit, nec ob tenacitatem inde colligi potuit ʒij. Carbo, qui ponderis erat ℥iij. in cineres reductus & elixivatus exhibebat salis manifesto alcalini ʒi. gr. xii. residua terra pondere æquabat ʒi. In utraque destillatione

tione nihil obtinuimus, quod vel minimum præberet urinosi vestigium. Nescimus igitur, quomodo Clariff. GEOFFROY (a) e nostra planta non solum spiritum, sed & sal urinosum obtinuerit. Forfitan hæc sive ex hypothesi, absque instituto experimento proposuit, sive empyreumaticum cum urinoso confudit, & lemas olei in collo retortæ exsiccata pro sale habuit.

Siccæ plantæ ℥ij. iteratis vicibus tamdiu aqua fervida infudimus, usque dum nova infusa nec sapore nec colore tingebatur. Obtinuimus ita infusum brunni coloris, saporis amari acris. Id debite evaporatum exhibuit extracti aquosi primi, nigri coloris, saporis amarioris acriorisque ꝓvj. Residuum plantam prius siccata tamdiu cum spiritu vini rectificatissimo digessimus, usque dum denuo adusus nec saporem nec colorem inde amplius adquirebat. Nacti sumus ita tincturam egregie viridem, saporis, præter illum spiritus vini, amari & acris. Ea ad extracti consistentiam evaporatione redacta sistebat extracti resinosi secundi, saporis fere ejusdem cum aquoso primo, coloris atro viridis ℥i℥.

Extracti aquosi primi ℥℥. cum f. q. spiritus vini rectificatissimi digesta tincturam offerebat e viridi brunnam, saporis ejusdem cum præcedenti tinctura spirituosa, quæ evaporata exhibebat extractum brunni coloris, sapore evidenter amaro & acri instructum, ponderis autem ℥iv.

Siccæ plantæ ℥ij. primo superfudimus spiritum vini rectificatissimum atque per 48. horas in digestionem reliquimus, decantata tinctura, alium infudimus, repetendo tamdiu infusionem ac digestionem, usque dum spiritus vini nihil amplius inde extrahebat.

Tinctura hæc cum spirituosa secunda coloris ejusdem, saporis autem acrioris fuit. Evaporata ea, accepimus

(a) *M. M. III. 89.*

mus extracti atro-viridis, extracto tam aquoso primo quam spirituoso secundo multo amarioris & acrioris ꝓß.

E residua planta iterata coctione cum aqua omne extraximus, quidquid aqua inde extrahere potuit. Decoctum inde obtentum saporis fatui, coloris autem brunni erat. Extractum, quod inde post debitam evaporationem surgebat, ponderis erat ꝓij. coloris atris, saporis vero quoque fatui.

Secundum hæc experimenta maximam plantæ nostræ partem constituit aqua, indeque tam fatue sapit, si leviter tantum degustatur. Fecit idem, ut auctores quidam herbam nostram non rite examinantes, decepti fuerint, eamque frigidæ naturæ & absque multis viribus esse contendissent. Continet insuper partes activiores acres, amaras, resinosas, inertioresque gummeas, quæ tamen mucilaginis ope ita uniuntur, ut aqua semper resinæ non parum solvat. Est itaque tinctura spirituosâ magis activa, quam aquosa, hæc tamen cum nequaquam iners immo non adeo vehemens sit, illi, uti suo loco dicitur, sæpius præferenda. Etiam extractum aquosum inertius est spirituoso, cum autem facilius in ventriculo solvatur & vias secundas subeat, hinc facilius humores nimis spissos solvit atque adeo spirituoso antecellit. Poterit, si extracti forma placet, vinosum extractum parari, quod & majorum virium & facilioris solutionis est. Reliquum plantæ nostræ absolvunt partes terreæ inertes.

Principia salino alcalina cum paucis sulphureis, quæ doctissimus alias BUCHNERUS (a) plantæ nostræ tribuit, aut salem, terræ foliatæ tartari similem, qualem plantæ nostræ salem essentialem esse CL. GEOFFROY perhibet (b) &

(a) *Mat. med.* p. 324.

(b) l. c.

& falem ammoniacalem, quem hic auctor anagallidem continere dicit, frustra quaeris in nostra planta, cum in nulla planta recente obtineant. De fale & spiritu urinoso jam dictum.

Quoad saporem anagallis proxime ad radicem Senecam accedit, etiam quoad contenta aliquo modo cum illa convenit. Differt tantum, quod mitior sit, vel ideo climati nostro accommodatior, & quod praecipua vis in partibus resinosis haereat, quae in radice Senecae in gummosis latet (a). Poterit itaque praeter radicem pimpinellae albae & polygalam nostratam, optimum ejus succedaneum evadere, idque eo magis, cum jam antiquitus ad morsum viperarum & serpentum laudetur.

VIRES ET USUS.

§. I.

Dictum est supra, anagallidem continere partes resinoso-gummeas, arcte invicem unitas, amaras, acres. Jam a priori igitur concludere licet, ipsam vi harum partium, more gummi-resinarum in corpus nostrum agere, fluida nempe resolvendo, partesque irritabiles stimulando. Egrege id confirmant Cl. BOERHAAVE (b) & Ill. BUCHNER. Ille enim de nostra planta perhibet, ipsam *viribus suis saponaceis & aperientibus multum praestare*. Hic autem dicit (c): *Anagallidem vires exserere moderate resolventes, efficacius abstergentes, incidentes, aperientes & leniter diureticas.*

§. II.

(a) Vid. BURCKARDI *Dissert. de rad. SENECKA hic defensa* Ao. 1750.
 (b) H. Pl. p. 286.
 (c) M. M. L. c.

§. II.

Ob virtutem resolventem usum herba nostra invenit, ubicunque sanguis, serum aut lymphæ nimia tenacitate & spissitudine peccant, aut actualiter stagnant. In omnibus nimirum infarctibus viscerum, obstructione hæmorrhoidum & ea potissimum mensium ataxia, quæ a sanguine nimis spisso provenit, atque innumeris, qui inde iterum oriuntur aliis morbis. Sic DIOSCORIDES (a) & PLINIUS (b) jecinis vitii anagallidem mederi ajunt. Jecoris meatus aperire perhibent TRAG. (c) & THEODORUS nostras (d).

Emmenagogam vim præcipue laudant C. HOFFMANNUS (e) dicens: *fœminas Westphalicas decocto anagallidis uti in mensibus movendis* & GEOFFROY (f). In genere ad hypochondriacos morbos anagallidem commendat BOERHAAVE (g). Optime autem BUCHNERUS (h) "in omnibus," inquit "chronicis morbis ex infarctibus & obstructionibus oriundis, veluti cachecticis, ictericis, œdematosis & hydropicis non plane contemnendam præstat utilitatem."

§. III.

Ob eandem vim resolventem in ea quoque melancholiciæ & maniciæ specie insignis est usus, quæ oritur, quando
C juxta

-
- (a) M. M. L. II. c. 209.
 (b) H. N. L. XXVI. C. 7.
 (c) H. St. I. c.
 (d) Kräuterbuch p. 1093.
 (e) de med. off. L. II, C. 12.
 (f) l. c.
 (g) H. Pl. I. c.
 (h) M. M. I. c.

juxta BOERHAAVE (a) *in toto sanguine, mobilia dissipata reliquerint immobiliora, & ille tunc crassus ater, pinguis, terrestris est, & nomen induit humoris atrabilarii, vel succi melancholici.* Nec opus, ad vim specificam confugere, anagallis enim, uti reliqua vegetabilia amara, quæ hic ab auctoribus laudantur, sanguinem spissum resolvit, fluidiorem reddit, in circulum reducit. Laudarunt in his adfectibus, mania præcipue, auctores quidam essentiam anagallidis vel simplicem, vel eam, quæ fit e succo anagallidis inspissato, superfusa tinctura hyperici. Prior talis describitur & laudatur in DISP. BRANDENBURGICO (b) V. etiam BIERLING (c) HOFFM. (d). Posteriorem potissimum I. MICHAELIS propinavit (e). Sed melius illi fecere, qui ipsam herbam in substantia, ejus succum expressum, decoctum aquosum, conservam aut extractum in his adfectibus commendarunt. Spiritus enim sanguinem exæstuat magisque condensat, atque adeo malum auget. Ita HOFFMANN. "*Succus*," inquit "*anagallidis, floribus purpureis per salem suum nitrosum abstersivum mirifice opitulatur maniacis & melancholicis, alvumque fluidam tenet*" (f). GEOFFROY Succum ad ℥iij-iv. ter de die sumendum suadet (g). Videatur etiam BOECLER (h) DOLÆUS (i). Decoctum laudatum reperies apud ETTMULLERUM (k) ubi hæc verba exstant: "*Quo etiam*" (decocto

-
- (a) *Aph. de cogn. & cur. morb.* §. 1092.
 (b) A. FAGINO edito 1747. p. 77.
 (c) *Tb. Pract.* p. 38. & 1041.
 (d) *Clavis Pharm. Schraderiana* L. IV. S. I. §. 38.
 (e) *Operum* p. 640. HOFFM. l. c. ETTMULLER l. c.
 (f) *In notis ad POTERII opera* p. 454.
 (g) l. c.
 (h) *Cynof. M. M.* l. c.
 (i) *Encyclop. med.* L. I. C. 4.
 (k) l. c. & *Tom. II,* p. I. pag. 862.

(decocto nimirum) " QUERCETANUS se mira presti-
 " tisse gloriatur. Curam ita instituit: Præmittit vomito-
 " rium ex infuso antimonii, postea per aliquot ℥ utitur
 " solo decocto anagallidis cum successu. Et certum est, non
 " dari meliora simplicia, contra maniam, quam anagallidem
 " flore phœniceo & hypericon. " Nec non apud HART-
 MANNUM (a) ROLFINCKIUM (b) BIERLINGIUM (c)
 HOFFMANNUM (d) GEOFFROY (e) SCHULTZ (f)
 BUCHNERUM (g) ALBERTI (h) SCHAAR-
 SCHMIDT (i)

Decoctum quoque vinofum deprædicat MAROL-
 DUS (k), sed verendum, ne vinum humores exagitet,
 atque plus damni, quam boni adferat.

Fuere etiam, qui lintea sanguine afinino imbuta ac ex-
 ficcata decocto anagallidis infuderunt, idque infusum ægro-
 tis exhibuerunt. Ita Cl. BOENNECKEN binos casus re-
 fert (l) ubi, præmissis generalioribus remediis, solo usu in-
 fusi talis ad sanam mentem reduxit maniacos. Clarus au-
 ctor id quidem sanguini afinino tribuit, sed quivis facile per-
 spicit, effectum potius ad activam anagallidem pertinere,
 quam ad inertes quasdam sanguinis afinini partes.

C 2

In

(a) *Praxis chymiatrica C. de Amentia* p. 85.

(b) *Ord. & meth. Sp. conf. C. II. conf. 9.*

(c) *Tb. Pr.* p. 1041.

(d) *Clavis Schræder* l. c.

(e) l. c.

(f) *Mat. med.* p. 313. IDEM, *in Disp. Brandeb.* p. 221. *ed. 2.*

(g) M. M. l. c.

(h) *Therap. med. C. de Mania.*

(i) *Therap. gen.* p. 164.

(k) *Pr. med.* p. 39.

(l) *In peculiari Tractatu, cui Titulus BIGA CASUUM ἀπὸ τῆς
 ΜΑΝΙΑΣ ΝΟΣΗΜΑΤΟΔΕΟΣ &c. Wertbemi 1744.*

In substantia denique, nempe in forma pulveris in trititia ac metu insolito a quodam anagallidem adhibitam fuisse MAROLDUS (a) afferit. Si forma elixirii aut pilularum magis arridet, poterit extractum anagallidis aquosum aut vinosum recipi. V. ALBERTI (b).

Perhibet quidem GARIDEL (c), se anagallide sæpius usum fuisse in maniacis absque ullo effectu. Sed accuratiorrem historiam ægrotorum, quibus illam præbuit, debuisset apponere, & quibus modis illa fuit adhibita. Non enim in omni melancholia & mania auxilium ferre anagallidem, sed in ea potissimum, quam supra diximus, ex satis perspectis variis causis horum morborum, & cognita natura anagallidis clarum fit. Quidquid tamen sit, certe cum clarissimo JUNCKERO (d) non indigna videtur, *quam frequentius iusta methodo miserandis hujusmodi subjectis adhibeamus, nec ab usu ejus ulteriore, ubi non protinus ex sententia succedit, nos deterreri patiamur.*

§. IV.

Cum viderint, anagallidem deliria melancholica & maniaca sustulisse, inde judicasse quidam auctores videntur, ipsam ad quæcunque deliria profuturam. Inde enim factum ut & in phrenitide adhibuerint. De externo quidem usu inferius fermo erit. Sed ii certe oleum igni addunt, qui essentiam in phrenitide suadent, quos inter est BIERLING (e).

§. V.

-
- (a) *Pr. med.* p. 18.
 - (b) *Ther. med.* l. c.
 - (c) *H. de Pl.* p. 32.
 - (d) *Therap. gener.* p. III. 223.
 - (e) *Th. Pr.* 38.

§. V.

Ad epilepsiam etiam commendata fuit herba nostra. Juvabit hic potissimum, quando epilepsia provenit ab obstructione viscerum, mensium & hæmorrhoidum, ac etiam, si vermes ipsam produxerint. Anagallis enim & amaritie vermes necat, & vi resolvente mucum intestinorum, nidum vernium abstergit. Præstat in hoc morbo in substantia adsumta, MAROLD. (a) aut in decocto BOERHAAVE (b) aut in extracti forma BOECLER (c) aut ipsius essentia. *Idem ibid.*

Vide etiam CARDILUCIUM (d) & GEOFFROY (e). Aqua autem destillata, quam aliqui laudant, uti sunt ACHILLES GASSERIUS (f) & RAJUS (g) cum insipida sit ac inodora, præ aqua communi nullas hic exhibebit vires.

§. VI.

Inter antarthritica remedia, & interna quidem, anagallis refertur jam ab ÆGINETA (h), qui illam compositionem suam ab incerto nomine CORALLII, *diacorallium* dictam, ingredi jussit, a BIERLINGIO (i) & a CAPIVACCIO (k) qui simul optimam rationem virtutis addit, ait enim:

C 3

"Hæc

-
- (a) *Pract. med.* p. 18.
 - (b) *H. Pl.* l. c.
 - (c) *Cynos. M. M.* l. c.
 - (d) *In notis ad Hartm. Pr. chymiatr.* p. 117.
 - (e) l. c.
 - (f) *OBSERV.* ed. a WELSCHIO 57.
 - (g) *SYNOPS.* 282. *Hist. Pl.* II. 1024.
 - (h) *L. VII. C.* 11.
 - (i) *Thes. Pract.* 330.
 - (k) *L. V. Pract. C.* 11.

„ *Hec insignem habet vim alterandi & absumendi humores*
 „ *pituuitosos, calidoque innato partium animalium est amica.*

§. VII.

Alvum purgare anagallidem ex aqua mulsa PLINIUS affert (a), HARTMANNUS perhibet (b) fuccum ejus alvum fluidam tenere, & observata quoque est anagallis, alvum movisse illis, qui pulveris forma ad rabiem præcavendam adsumferant. Sed videtur tamen, in omnibus exemplis peculiaris dispositio adfuisse, iteratis enim vicibus & diversis hominibus pulverem anagallidis exhibui ad ʒj. pro dosi, sed omnes nihil inde, præter levem ardorem faucium & fortiorem appetitum experti sunt.

§. VIII.

Cum anagallis vi saponacea humores viscidos tenaces solvat, sanguinem fluidiorem reddat, atque vasa simul stimulet; facile liquet, ipsam pro vario vehiculo ac pro vario regimine mox diaphoresin excitare, mox diuresin. Sudoriferam esse anagallidem GEOFFROY perhibet (c) & experientia etiam comprobavit, uti infra dicitur. Diureticam virtutem testantur PLINIUS (d) BUCHNERUS (e) TRAGUS (f) TABERNÆMONTANUS (g) & ZORNIUS (h).

Poste-

(a) H. N. L. XXVI, C. 8.

(b) l. c.

(c) l. c.

(d) H. N. L. C.

(e) l. c.

(f) l. c.

(g) Kräuterbuch. I. 6.

(h) Bot. med. I. c.

Posteriores tres præterea adfirmant, anagallidem calculum pellere. Efficiet id, si calculi fuerint mucosi, aut si fabulum aut minores calculi renes obsederint. Majoris autem formæ calculum, renibus, ureteribus aut vesicæ inhærentem pellere aut solvere, nullus a nostra herba expectabit sanæ mentis medicus. Evidentior paullo anagallidis usus erit ad hydropem, nondum confirmatum. Tollit enim infarctus viscerum, vulgatissimam hydropis causam ac urinam simul movet. Atque adeo recte ad hydropem prodesse anagallidem dixerunt TABERNÆMONTANUS (a) MATTHIOLUS (b) HARCHER (c) BUCHNERUS (d) aliique.

§. IX.

Inter remedia alexipharmaca non infimum locum sibi vindicat herba nostra. v. DALE (e) RAJUS (f) GORTERUS (g).

Pesti conducere, si cum regimine sudorifero sumatur asserunt TRAGUS (h) LONICERUS (i) TABERNÆM. (k) JOH. BAUHINUS, (l) alii. Fuit etiam id sine dubio causa, cur ad aquam epidemicam anagallidem receperint *Londinenses* (m). Sed jam alibi dictum, minus activam ac aquæ

-
- (a) *Kräuterbuch*, I. c.
 - (b) *Kräuterbuch* p. 207.
 - (c) *De Simplicibus* p. 10.
 - (d) l. c.
 - (e) *Pharm.* 307.
 - (f) *Synops.* 282.
 - (g) *M. M.* §. 159.
 - (h) l. c.
 - (i) *Kräuterbuch* pag. CCL.
 - (k) l. c.
 - (l) *H. Pl. III.* 370.
 - (m) v. *Pharmacop. BATEANA* 9. & *Pharmac. Wirt.* p. 17.

aquæ communi vix præferendam esse aquam anagallidis destillatam.

Ad viperarum morsus jam a DIOSCORIDE commendata fuit anagallis (a). PLINIUS contra angues fucci ʒj. in vino bibendam suadet (b). Vid. etiam TRAGUS (c), TABERNÆM. (d) JOH. BAUHINUS (e) GEOFFROY (f) &c.

§. X.

Sed præstantissima est vis anagallidis antilyssa. Est rabies vel innata, vel acquisita. Illam speciem nunc mittimus, cum anagallis solummodo fere ad præcavendam rabiem adhibeatur, nec satis certum exemplum profert, eam rabiem omnibus symptomatibus manifestam sustulisse. Hæc oritur, quando homo aut animal quodcumque ab alio jam rabido mordetur, vel alio quovis modo contagio adficitur, atque ita corpori communicatur venenum, causa rabiei, naturæ nondum perspectæ, quod corrigere vel e corpore eliminare, antequam effectus suos exferat, est rabiem præcavere. Sed correctio tandiu manebit incerta, quamdiu vera veneni natura nos latet. Eliminationem varia methodo tentarunt medici. Sic interne exhibuerunt vomitoria, laxantia, diaphoretica, diuretica, immo & sialagoga. Externe, si vulnus adfuit, ex hoc varia arte venenum exfluxerunt, vulnus adusserunt, scarificarunt, & ut eo melior veneno pareret

(a) l. c.

(b) H. N. L. XXVI, C. 13.

(c) l. c.

(d) l. c.

(e) l. c.

(f) l. c.

teret exitus, diu fervarunt apertum (a). Omnia quoque passim laudata specifica ad unam alteramve evacuantium classem utcunque referenda, id potissimum videntur egisse, ut venenum, quacunque excretionem aucta e corpore expulerint. Et quid vetat, idem de anagallide statuere. Supra enim demonstravimus, eandem sub varia conditione aut diaphoreticam esse, aut diureticam; eam quoque sudorem in aliis, in aliis alvum movisse, infra dicitur, dicitur etiam, quomodo anagallis externe applicata venenum e vulnere auferat. Neque tamen negare ausim, anagallidem æque ac reliqua specifica venenum simul cicurare, sed hoc tum demum clarum fiet, quando industria nepotum aut casus fortuitus veram veneni, quod rabiem causatur, naturam nobis patefecerit. Ut sit; sufficit nobis anagallidis usum ad præcavendam rabiem multiplici comprobatum esse experientia. Jam TRAGUS monet: (b) *anagallidem canibus morfu læsis, similiter & hominibus adversus canis rabiosi morsus utilissime conducere.* Gabelchover sequentia suadet (c): „Nimm rothen Gauchheil, back's in einem Eyerluch, gib's dem Gebissenen zu essen, es seye Mensch oder Vieh, es ist bewährt.“ MAROLDUS refert (d) hæc: „*Anagallis mas pulverisata canes demorsos & rabiosos liberat, quod sæpius probatum a Principe WILHELMO IV. ab Herneberg.*“ Vide etiam TABERNÆMONTANUM (e)

D
MAT-

(a) v. Illustr. SWIETENII *Comm. in BOERHAAVH Aph. de cogn. & cur. morbis.* T. III. §. 1143. & seqq.

(b) l. c.

(c) *Arzneibuch 2ter Theil* p. m. 308.

(d) *Pract. med.* p. 38.

(e) l. c.

MATTHIOLUM (a) CAMERARIUM (b) C. HOFFMANNUM (c) LEMERY (d).

Maximam autem famam, quoad antilyssam virtutem nacta est herbula nostra apud nostrates. Exstitit nempe jam ante triginta & plures annos vir quidam in vico *Pirmasens*, ditionis *Hanoicæ*, qui per longum tempus pulverem anagallidis venditavit, ipse demoris exhibuit, vulnera quoque si quæ adfuerunt, sanavit, optatissimo cum effectu. Sed diu celavit ille veram originem pulveris sui, ex quo sat magnum quæstum trahebat, vix enim in regione vici illius fuit paterfamilias, qui non quotannis quantitatem pulveris sibi comparaverit, & ii qui a rabido animali morfi aut infecti fuerant, aut quorum pecudes erant demorfæ, nec pulveris copiam possederant, vel e longinquo ad virum illum, ceu ad sacram anchoram properabant, remedium petitori. Tandem autem venatoriæ rei quidam præfectus bipontinus ex illo elicuit, remedium, quod venderet, nil aliud esse, quam pulverem anagallidis, rubro flore, ipso festo divi *Johannis Baptista* collectæ, atque illud, benignior in proximum, undique promulgavit. Vix aliquot mensibus præterlapsis casus ille *Waldmoræ* accidit, quem ab amantissimo consobrino D. KÆMPF, juniore, cum aliis consignatum sub No. I. *Appendicis* hic trado, ubi plantam nostram efficacem se præstitisse, legitur. Postea & alii egregium usum anagallidis experti sunt, quos inter eminent Fautor atque Patronus, omni honoris cultu prosequendus D D. RÄVENSTEIN, *Consiliarius bipontinus, Serenissimæ Bipontinorum Ducis Archiater, Præfecturarum Tabernæmon-*

-
- (a) l. c.
 (b) Hort. m. p. 14.
 (c) De Med. Officin. l. c.
 (d) *Dictionn. univ. des Drogues* p. 37.

bernemontana & Gutenbergenfis Physicus ordinarius, nec non Comes Palatinus Cafareus, ac membrum Academiae Moguntinae Scientiarum utilium, uti id non solum egregium illud elogium anagallidis, quod libro suo, varia eruditione pleno (a) inferuit, sed & observatio ejus, sub No. II. appendicis benigne nobiscum communicata, testatur. Villicus quoque aliquis **Benedikt Brüderle** nominis, in villa Kirschbacensi prope Bipontum, ut eo certior fieret de anagallidis antilyssa vi, binas capras ab eodem lupo rabido eadem hora morfas separatis inclusit stabulis, alterique pulverem anagallidis dedit, alteri non dedit, eo quidem cum eventu, ut ea, quæ pulverem non accepit, nono die hydrophoba facta mortua sit, altera autem sana evaserit.

In valle denique *ALSATIÆ superioris*, a divo *Gregorio* denominata, jam per plures annos a rabidis animalibus demorsis pulvere anagallidis succurrit **Gregorius Kämpf**, civis pagi **Sulstere**n ejusdem vallis, salutari semper cum effectu, prouti illud ex judiciali testimonio, sub No. III. hic annexo, pluribus est videre.

Adhibitus autem fuit pulvis anagallidis, tam a viro illo *Pirmasensi*, quam in reliquis, quos recensui, casibus, sequenti modo: Homines demorsi aut contagio infecti, quotidie bis 3ß. ad ʒiv. pulveris anagallidis assumebant, vel cum aqua anagallidis destillata, vel cum ejus decocto, vel cum infuso herbæ theæ, aut aqua simplici. Vulneribus, probe antea aqua elotis, quotidie semel aspergebatur idem pulvis, cæterum ea more solito consolidabantur. Pecori pro ratione magnitudinis major pulveris dosis, ac vel in lacte, vel in jusculo, vel cum ovis, vel alio quovis modo exhibebatur, vulnera eodem modo tractabantur.

D 2

Plures

(a) *Seltfame Begebenheiten in der Natur* u. u. p. 430.

Plures homines post assumptum pulverem alvum crebriorem experti sunt, alii contra sudorem, præter consuetudinem quandoque foetidum, e quorum numero ille *Wotey* fuit. v. *Appendicis* N^m. III. Lotio vulnerum venenum maximam partem aufert, si mox post morsum inflictum instituitur. Pulvis anagallidis externe applicatus siccus, acer veneni portionem imbibit, affluxum humorum proritat, atque sic hoc modo venenum e regione vulneris elicit. Reliquam veneni partem, sanguinis massam jam ingressam, anagallis interne sumta, aut corrigit aut proffigat.

Ob adeo perspicua exempla eximiae virtutis herbae nostrae ad horridos effectus, morsum animalium rabidorum insequentes, præcavendos, factum est, ut non solum in Bipontino ducatu, & Moguntiae MDCCXLVII. (a) sed & præcipue per totum Bambergensem Principatum (b) publico mandato iustum fuerit, anagallidem quotannis colligere, ejusque semper certam quantitatem vel in quavis villa asservare, addita mandato debita methodo anagallidem adhibendi.

§. XI.

Externe applicata anagallis, cum saponacea sit & acris, valide abstergit, nonnihil quoque adstringit. Refertur inde ab omni ævo inter illa medicamenta, quæ vulneribus ac ulceribus purgandis adhibentur. Jam HIPPOCRATES ipsam siccandis ulceribus commendat. (c) Ulceribus malignis

(a) v. Die Mannsische wöchentliche Anzeige-Blättgen von selbigen Jahr.
 (b) v. Hasenests Medicinischen Richters 3ten Theil p. 2, legg. & Appendicem Diss. nostræ sub No. IV.
 (c) l. c.

gnis potissimum, mederi ajunt: DIOSCORIDES, (a) PLINIUS, (b) POTERIUS, (c) GORTERUS, (d) alii.

Ad ulcera, quæ oculorum tunicas, corneam præcipue, infestant, inservire, jam DIOSCORIDES testatur. Sed videatur de his Cel. MAUCHARTI *Dissert. de ulceribus corneæ Tubingæ* 1742.

Ob easdem rationes, quibus ad ea ulcera valet, quæ oculis patent, valet etiam ad ea, quæ intra corpus existunt. Hinc ad phthisin commendarunt. Præstat tamen hic succus cum lacte sumtus, quem celeberrimus TREW suadet, (e) aut decoctum, inerte Aqua destillata, a RAJO prædicata (f).

§. XII.

Ob validam, qua pollet, abstergendi vim, succus anagallidis corneæ maculas aufert. V. PLINIUS (g) & qui optime de his maculis scripsit, cel. MAUCHARTUS (h).

§. XIII.

Ceu cosmeticum adhibitum fuisse succum anagallidis, FUCHSIUS refert (i). Et AGERIUS (k).

D 3

§. XIV.

(a) l. c.

(b) H. N. L. XXV. C. 13.

(c) *Oper.* ab HOFFM, ed. 454.

(d) M. M. §. 284.

(e) *In notis ad* BLACKWELL Tab. 43.

(f) H. Pl. II. p. 1024.

(g) *L. supra citato.*

(h) *Dissert. de Maculis Corneæ* Tub. 1743.

(i) H. Pl. 18.

(k) *Reformirte deutsche Apothek.* L. I. C. 149.

§. XIV.

Mitigandi vim anagallidi, externe adhibitæ, passim tribuunt Auctores. Videantur DIOSCORIDES, (a) TRAGUS, (b) BOECLERUS, (c) GEOFFROY (d) aliique. Inflammationes ideo arcet. DIOSCORIDES l. c. Inde quoque externus usus fucci anagallidis ad phrenitidem PLINIO, (e) aut ad dolorem capitis MARCELLO dictus (f).

Anodynæ virtuti tribuenda etiam videtur, vis aculeos aut festucas refigendi, quam jam Dioscorides anagallidi adscribit & cum eo GALENUS, (g) ÆGINETA (h) aliique. Cum enim dolores sopiat, spasmos tollat, faciliorem reddit egressum aculeorum.

Ad podagram itidem ob eandem mitigandi vim herbam nostram laudant, præcipue cum urina coctam & cataplasmatis forma adplicatam. Ita PAULLI (i) exemplum nobilis Britanni refert, cui tale cataplasma optimum præstitit auxilium. Idem habet RAJUS (k) sed uterque monet, vulgus in hocce adfectu pediluvii ex sola urina uti, nec absque fructu, ut itaque videatur, effectum dicti cataplasmatis urinæ magis deberi, quam admixtæ anagallidi.

§. XV.

-
- (a) l. c.
 - (b) l. c.
 - (c) l. c.
 - (d) l. c.
 - (e) H. N. L. XXVI. C. 11.
 - (f) *De Medicam. emp. C. I. p. III. 34.*
 - (g) *De simpl. med. Fac. L. VI.*
 - (h) L. VII. C. 3.
 - (i) *Quadrupart. Bot. p. 196.*
 - (k) H. PL. II. p. 1024.

§. XV.

Apophlegmatizantibus porro annumeratur Anagallis. Ita DIOSCORIDES (a) "*Succus caput gargarizatu purgat, & naribus infusus dolorem dentium lenit, si in ad-*"
versam narem injiciatur." Ad *errhina* potissimum, fuc-
 cum anagallidis referunt PLINIUS (b) GALENUS (c)
 ÆGINETA (d) MATTHIOLUS (e) &c. Sed eo etiam
 pertinent decoctum & pulvis anagallidis.

§. XVI.

Melancholiam tollit ac maniam anagallis, epilepsiam
 & alios spasticos adfectus, dæmonibus olim adscriptos, fan-
 nat, atque simul alexipharmaca est. Fieri ergo vix po-
 tuit, quin & pro magica haberetur herba. Ita ZOROA-
 STER (f) anagallidem cum aliis a domo omnem livorem
 & infidias arcere perhibet. V. etiam FUCHSIUM (g)
 & alios. Sed mittimus hoc, rationali medico indignum. Sic
 & recensionem vix merentur, quæ de anagallide certo tem-
 pore certoque modo colligenda, superstitiose fatis tradunt.
 PLINIUS narrat (h) "*Præcipere aliquos effossuris ante solis*"
ortum, priusquam quidquam aliud loquantur, ter salutare"
eam, tum sublatam exprimere, ita præcipuas esse vires."
 HOFF-

(a) l. c.

(b) H. Pl. L. XXV. C. 13.

(c) l. c.

(d) l. c.

(e) l. c.

(f) *Geopon.* L. XV. C. 1. p. 402.

(g) l. c.

(h) l. *supra citato.*

HOFFMANNUS (a) eam colligi dicit ante solis ortum in ultima lune quadratura, Sole & luna in Geminis existentibus. GASSERIUS illam collectam vult (b) ipso ingressus solis in leonem momento & crescente luna, & vir ille Pirmafenfis, illam legit ipso Festo divi Johannis Baptistæ, hora undecima antemeridiana.

Ejusdem quoque farinæ est anagallidis contra epilepsiæ minas suspensæ virtus, a Weckero deprædicata (c), nec non ejusdem manu detentæ aut scrobiculo cordis impositæ vis, quamcunque hæmorrhagiam compescendi. V. SCHMUCK. (d) quamque tantam fecit AGERIUS (e) ut adfirmaverit, etiamsi in brachio, cujus manus anagallidem tenet, vena secaretur, nullum tamen sanguinem exiturum.

Nec immerito huc refertur jam a DIOSCORIDE, ad aliorum tamen fidem provocante, (f) & a PLINIO (g) memorata vis anagallidis cœruleæ, procidentiam sedis retroagendi, & phœniceæ, illam evocandi.

§. XVII.

In OECONOMIA denique, & VETERINARIA potissimum, non absque egregio usu est herba nostra. Præterquam enim, quod ad rabiem præcavendam omnibus animalibus domesticis exhibeatur, jumentorum quoque

(a) *Clavis Pb. Schræd.* l. c.

(b) l. c.

(c) *De Secretis* L. V.

(d) *De occult. magico-magnetica morb. curat.* p. 24.

(e) l. c.

(f) l. c.

(g) H. N. L. XXVI C. 8.

quæ oculis mederi PLINIUS perhibet (a) & optime perhibet.

Contra vertiginem ovium, vulgo den Schwindel, das Drehen, oder ringlicht werden, inter alia remedia etiam anagallidem suadet HUCKELIUS (b) & Clariff. SCHREBERUS. (c) Tradit quidem Ill. LINNÆUS, oves anagallidem non comedere (d). Sed mox dictus SCHREBERUS, saltem de germanis ovibus contrarium expertus est, (e) & ipsi novimus opilionem, qui sæpius per mensem, sali illi, quem ovibus lambendum exponit, ceu generale antidotum & appetitus excitandi gratia, immiscet pulverem anagallidis.

Passeres canarienses, ceterasque aves minimas femine anagallidis summopere delectari, atque ideo in Italia eo enutriti SEGUIER refert (f).

OFFICINALIA.

IN officinis *Argentoratensibus*, de anagallide nullum proficit præparatum, præter *aquam destillatam* & *oleum coctum*. De illa jam sæpius dictum, quod valde fit iners. Hoc ad tormina ventris infantum laudat PHARM. ARGENT. (g) PHARMAC. WURTEMBERG. præterea addit, illud etiam clysteribus in hoc morbo applicandis,

E

immi-

(a) H. N. L. XXV. C. 13.

(b) Abhandlung vom Schaafviehe. p. 95.

(c) Sammlung vermischter Schriften ic. 2ter Theil p. 312.

(d) Pan. Sueco II. Amoen. Ac. p. 242.

(e) Loco citato & peculiaribus ad nos datis literis.

(f) Pl. veron. p. 232.

(g) P. 107.

immisceri (a). In DISPENS. BRANDENB. *essentiam* anagallidis extare, supra monuimus (b). PHARMACOPOEA AUGUSTANA etiam *Syrupum* habet, ipſique vires contra maniam & tormina infantum adſcribit (c): *Conſerva* mentionem faciunt ZORNIUS (d) & BURGGRAVIUS (e) & optimo jure eam laudant ad maniam. Sed non invenimus, eam æque ac Extractum, de quo ſupra diximus, alicubi eſſe officinalem.

Herba noſtra præterea, quantum nos ſcimus, ad nullam recipitur compositionem, præter ſupra memoratam *Aquam epidemicam L.* & *Unġuentum mundificativum de Apio*. V. GEOFFROY (f).

Et hæcæ, quæ pro modulo ingenii de noſtra planta protulimus, ſufficiant.

APPENDIX.

No. I.

Nobilis virgo, octoginta fere annos nata, nihilominus tamen mire adhuc vegeta, & corpore & animo; a catello, fideli gremii ipſius cuſtode, ex improviſo rabido factò, mordebatur. Nihili faciebat vulnuſculum: nullum enim damnum timebat ex amabili & adeo humano more.

- (a) p. 113.
- (b) p. 18. *Diff. n.*
- (c) p. 19.
- (d) l. c.
- (e) l. c.
- (f) l. c.

more alito parvulo cane. Sed post paucos exinde dies hydrophoba, in veram tandem rabiem caninam incidebat. Accersebant patrem meum. Is, cum illam jamiam vere rabidam, aquam, immo & ignis odorem abhorrescentem, in adstantes canis ad instar latrantem, horridam spumam exspuentem, inveniret: præter illud ex propinqua morte auxilium, nullum superesse amplius statuit. De Anagallidis tamen infallibili efficacia, in morsu a rabido, sed nondum hydrophobis, tot casibus evictus; num bona hæc herbula, in adeo provento statu aliquid adhuc posset, curiosus experiri proposuit. Curabat igitur ut vi intruderent furibundæ, consuetam unam alteramque dosin pulveris Anagallidis, cum aqua ejusdem destillata, in boli formam redactam. Citra omnem fere spem, ex prima statim dosi, manifeste jam deservescere coepit inhumanus furor; & post alteram ingurgitatam magis magisque cessavit, summo ægrotæ & adstantibus solatio. Solus febrilis quasi tremor, per intervalla revertens remanebat. Ita tanquam per lentam febrem sensim consumta, mente optime constans, obiit denique hydrophoba quidem, sed placida morte, misera senex.

Inter permultos casus, fauciorum a rabidis animalibus, sed per Anagallidem, antequam vera hydrophobia eruperit usurpatam, ab omnibus pravis sequelis liberatorum, patre meo autopta teste, eminet tristis ille, qui accidit Waldmoræ, præfecturæ Bipontinensis pago. Ibi canis pecuarius rabidus, bubulco, & numerosæ ejus familiæ, singulis virulenta infixit vulnera: præterea, magnæ jumentorum gregis, vix non omnes pecudes momordit. Cum adveniret parens meus, in auxilium vocatus, de bubulco ipso jamiam actum fuit; is enim jam hydrophobus, & taciturna rabie laborans, Anagallidem respuit, & furiosus

fus tandem mortuus est; jumenta quædam pariter. Reliqui vero omnes, homines & pecudes, nondum rabidi, Anagallidem assumerunt, ejusque virtute, ex propinquis truculenti morbi faucibus erepti & perfecte servati sunt. Omnes ejus vici incolas, ex illo tempore hodie adhuc vivos superstites, testes provoco.

Ex Oppido Sobernheim, in palatinatu inferiori sito, undecim advenerunt cives, a rabido cane læsi; consilium petescentes. Acceperunt Anagallidem; & illibatam a dirissimo morbo sanitatem inde reportarunt.

Plures quid referam singulas historias vulneratorum a rabidis, & Anagallidis tempestivo usu, contra propinquam rabiem munitorum? Sufficit: quicumque nondum hydrophobi ad eam confugerunt; eorumque insignis profecto est numerus; omnes illi, nullo excepto, ab hydrophobia & rabiei immani periculo, immunes vixerunt vivuntque. Et per vulgus innotuit hæc veritas; maxime post publicationem mandati Serenissimi, beatissime defuncti Ducis Bipontini Gustavi; quod obtrinxit pagorum præfectos Ducatus bipontinensis, anagallidem justo tempore collectam, usui paratam asservare. De veneranda sane, hujus remedii contra rabiem potentia, tanta fere coarguerunt argumenta, quanta edocuerunt, nostrates, de tuberum solani esculenti vi cita tuta atque jucunda, in comescenda fame.

Nº. II.

QUam salutarem virtutem exferat anagallidis herba flore puniceo, ad effectus, morsus animalium rabidorum avertendos, optime sciunt, illi, qui ea in casu tali sæpius usi sunt. Ne prolixus sim nimis, hic non tradam eas curationes; quas b. m. antecessor, Consiliarius aulicus & Archiater Bipontinus D. D. AULBER herbula hacce feliciter peregit;

peregit; Inter multas etiam observationes, quibus per viginti annos, dum praxin exerceo, ipse gavifus sum, unicam tantum, maxime memoratu dignam referam.

Cum in Ducatus Bipontini Præfectura Lichtenbergensi Physici, ut vocant, munere fungerer, Anno MDCCXLIII. Dominica, quæ erat dies XI Augusti, accidit, ut incolæ pagi Schellweiler, cum e templo Cusellano domum redirent, a rabido cane invaderentur eorumque forte viginti partim ab ipso morderentur, partim spuma salivæ inquinarentur. Canis hic deinde aliquot horas versus pagum, ni fallor, Oberkirchen, cucurrit ibique ex ovium grege plures momordit oves. Opilio cum vidisset canem, qui oves momordit, rabidum fuisse, mox demorsas oves, separatis inclusit stabulis. Eorumque nono jam die duæ hydrophobæ factæ & occisæ sunt.

Postero die, lunæ nempe, hujus rei certior factus, in pagum illum Schellweiler me contuli, ac singulis pridie morsis aut infectis hominibus præbui portionem pulveris anagallidis, jussique, ut non solum usum pulveris per plures dies continuarent, sed & vestes suas abjicerent, cui consilio Deus ita benedixit, ut ex his hominibus, nemo rabidus factus fuerit.

No. III.

SIR der Magistrat und Rath der Stadt
und des Chales Münster in dem oberen Elsass,
bescheiden hiemit, demnach vor Uns erschienen die bescheidene
Johannes Röß, Ackermann, wohnhaft zu Sulzeren allhie-
siger Böttmässigkeit zugethan, Tobias Weber, Schmidt,
und Johannes Wotey, alle drey Burgere dieser Stadt,
E 3 gezieh.

geziehend vor, und anbringend, wie daß zweiffels-ohne Uns in frischer Gedächtnus sein wurde, wie daß, nemlichen vor sieben Jahren eines sein des Johannes Kößen Kinderen, vor vier Jahren aber ein Enckel sein des Tobia Webers, das Unglück gehabt, ohnversehener Weis durch zwey unterschiedliche wütende Hunde gebissen zu werden, er Johannes Wotey aber selbst Anno 1751. den 2.ten Decembris durch einen rasenden Wolff (nachdeme dieser vorhin vieles Unglück wegen seinem Wut in diesem Thal verursacht) in das Knie des linken Fußes stark und hart gebissen und verwundet seyen worden, zu Curirung der von solchen wütenden Thieren empfangenen Wunden, und Vorkommis der daraus entstehend könnenden Folgen, sie anders nichts als das sogenannte Kraut Gauchheyl gebraucht hätten, und zwar also, sie hätten die Wunden vorderist mit Bach-Wasser sauber ausgewaschen, alsdann Pulver von gesagtem Gauchheyl in die Wunden gethan, von welchem nemlichen Pulver ein jeder der Verwundeten, morgens und abends jedesmahl drey Messerspitß voll nach proportion des Alters, in einem von bemeltem Kraut gebranntem Wasser eingenommen, wodurch und vermittelst dessen sie von allen Folgen befreyet wären worden, solches Mittel hätten sie vorzüglich und mit desto größerem Eyser gebrauchet, weilen sie versicheret gewesen, daß es vorhin schon nicht nur allein anderen Menschen, sondern auch Rind-Vieh und Hunden so von wütenden Thieren gebissen worden, ohne Anstand geholffen, über welches sie Uns um glaubwürdigen Schein gebührlichen angesprochen.

Wann Wir dann die Wahrheit zu steuren so schuldig als geneigt, als certificiren Wir hiemit, daß Uns wohl bewust, daß die vorbenambste Persohnen durch wütende Hund und Wolff gebissen, sie auch des sogenannten Gauchheyl-Krautes, zu Verhütung der Folgen und Curirung der Wunden, sich bedienet haben; daß vorgemelter Wolff so gesagten
 Johan


Johannes Wotey in das Knie gebissen, sonderheitlich rasend gewesen, indeme derselbe den Tag zuvor nicht nur allein zwey Eheleuthe in dem Dorff Wasserburg (wobon der Mann demselben einen Streich mit einer Art gegeben, und also gezeichnet worden) ergriffen, welche beyde in kurzer Zeit hernach ane Raserey gestorben, sonderen den nemlichen Tag auch ein Weibsbild in allhiefiger Jurisdiction auf der öffentlichen Strassen gänzlich zerrissen und allbereit vollkommen gefressen, über dieses hat der nemliche Wolf eine Wittib in hiesiger Jurisdiction in nemlicher Zeit sehr übel in den Kopf und in die einte Brust gebissen, welche innerhalb vierzehn Tagen wütig worden und erbärmlich ane dem Wut gestorben, ferners hat diß rasende Thier einen Burgersmann bey seinem Meyerhof allhier sambt einem armen Mann so bey ihme war, unterschiedliche Biß gegeben, welcher aber endlichen tod geschossen worden, welchen beyden letztern das gefagte Mittel des Gauchheyls durch Gregorium Kempf Burgeren allhiefiger Jurisdiction, gegeben und durch selbiges ihrer Meinung nach, von dem Wut garantirt worden; Dessen zu wahren Urkund, haben Wir auf Ersuchen der Comparanten gegenwärtiges aufsetzen, darauf Unserer Stadt Cantzlen gewöhnliches Secret-Insigill (deme jedoch wie Uns in alle Weg ohne Nachtheil) drucken, und durch Unseren Stadt-Schreiberen unterschreiben lassen. So gegeben Münster den 2ten Decembris 1757.

(L. S.)

MEYER,
Stadt-Schreiber.

No. IV.

Fürstlich-Stift-Bambergisches Ausschreiben.


 Ennach Ihero Sochfürstlichen Gnaden zu Bamberg, unserm allerseits gnädigsten Fürsten und Herrn, ein bewährtes Mittel zu gnädigsten Händen gelommen ist, welches bey allen und jeden Verwundungen und Bissen wüthiger Hunde, Wölfe, Katzen ic. von ohnsehlbahrer Wirkung und Gedeylichkeit befunden worden, und auf die Art, wie in nachfolgender Beschreibung mit mehrern nachgedruckter zu sehen, zu gebrauchen ist; und nun kein Zweifel obwaltet, daß an sicherer Abwendung derley mislicher Zufälligkeiten, jedermänniglichen höchst gelegen seye; als haben höchst-erwehnte Seiner Sochfürstlichen Gnaden, nach Dero ohnermüdeten Landes-Fürst-väterlicher Liebe und Sorgfalt für die Wohlfarth Dero getreuen Unterthanen den Gebrauch obbemeldten gesegneten Arzney-Mittels, in Dero Bist- und Fürstenthum Bamberg machen zu lassen, den gnädigsten Befehl ertheilet. Zu dessen gehorsamster Befolgung alle Dero Ober- und Unter-Beamte, dann übrige Befehlshabere, ohne Ausnahm, hierdurch gemessen angewiesen werden, bey der eben jezo, nach dem Inhalt der hierbey gesetzten Beschreibung, vorhandenen bequemen und rechten Zeit, das angedeutete Kraut einsammeln und dieses durch die allerweisse Anordnung Gottes entdeckte Mittel nicht nur in allen Städten, Marktsflecken, Dörffern und Gemeinden; sondern auch bey allen und jeden Weylern, Mühlen und sonstigen einzeln Orten in ohnaufläufiger Bereitschaft halten zu lassen; in welcher heilsamen Absicht denn auch höchst-gedacht Seiner Sochfürstlichen Gnaden gnädigst befehlende und ernstliche Willens.

Mei.

Meinung zu gebührendem Vollzug zu bringen, so fort auf denen Kanalen zu jedermanns Wissenschaft öffentlich zu verkündigen, und an Thoren aller Orten anzuschlagen ist. Hieran beschiehet mehr Höchst-erwehnter Seiner Hochfürstlichen Gnaden gnädigster Will, so auf die allgemeine Wohlfarth Dero getreuesten Unterthanen und eines jeden eigenes Bestes lediglich abzielet. Decretum Bamberg den 28. May 1749.

Beschreibung des bewährten Mittels

gegen den Wuth und Biß der tollen Hunde
Wölfe und Katzen zc.

Man sammle vom neuen bis auf den alten Johannis-Tag des Mittags von 11. bis 12. Uhr Gauch-Heilkraut mit denen Purpur-rothen Blümlein (Anagallis flore puniceo) man bricht nemlich auf besagte Stund und Tag gemeldtes Kraut ab, mit den Stänglein und Blümlein, laßet solches an einem schattigten, aber nicht verdumpften Ort behörig und langsam trocknen, verwahret solches hernach in dichten leinenen Säcklein oder in Schachteln, welche inwendig mit Papier belegt seyn; wann nun ein Mensch von einem wüthenden Thier gebissen worden, oder mit wüthenden Thieren und Menschen viel umgegangen; so gebe man ihm obiges Kraut (nachdem es zuvor mit denen Blumen und Stänglein klein pulverisirt worden) zu einem halben bis ganzen Quintlein schwer, oder zu 3. bis 6. Messerspitzen voll in Gauchheil-Kraut Wasser; oder wenn dieses nicht vorhanden ist, in Théé-Wasser oder Brühe zu nehmen; lasse ihn einige Stunden darauf des Essens und Trinckens enthalten; ob gleich eine Dosis allemahl ohnfehlbar und ganz sicher hilfet, selbstn auch, wenn der

F

Wuth

Wuth schon wirklich vorhanden, aber nur noch nicht auf den höchsten Grad gekommen; so kan man dennoch um mehrerer Sicherheit und Beruhigung willen nach 6. 8. oder 10. Stunden, ja auch noch den andern Tag, eine zweyte oder dritte Dosis dieses Pulvers eingeben. Denen Pferden, Kühen f. v. Schweinen, Hunden, Ziegen und Schaafen wird dieses Pulver von einem Quintlein bis zu einem halben Loth auf Brod mit etwas weniges Salk und Alaun, oder auch in warmlichten Getränk, ja auch nur in Wasser eingegeben oder eingeschüttet; Wann ein wüthendes Thier unter eine ganze Heerde kommet, so thut man wohl, daß man dieses Mittel nicht nur den wärcklich gebissenen, sondern auch der ganzen Heerd, ja allen Thieren welche nahe bey den Gebissenen gestanden, gegangen und gerweydet, eingebe und beybringe.

Auf solche Weis kan man versichert seyn, daß die Gebissene nicht vom Wuth sterben, und die übrige von Wuth nicht werden angefallen werden. Man kan dieses Kraut so bald es völlig getrocknet, wann man will, gleich pulverisiren, und als ein Pulver zum Gebrauch aufhalten; es muß aber immerfort an einem trockenen doch nicht zu warmen oder heissen Ort verwahret werden.



CARO.

CAROLO LUDOVICO BRUCH,

PRO LICENTIA

GRADUM DOCTORIS MEDICINÆ CONSEQUENDI
DISPUTANTI

S. P. D.

Dr. JOHANNES FRIDERICUS RAVENSTEIN.


*A*rtem nostram salutarem omnium excellentissimam esse, nemo facile dubitabit, qui & objectum, circa quod versatur, & finem, quem intendit, ullo modo cognitum habet, & sicuti objectum homo vivus est, finis vero sanitas; ita nemo mortalium erit, qui non inter bona terrena sanitati primum locum concedet. Verum etiam medicinam omnium artium antiquissimam & per varia nova experimenta eruditissimorum medicorum adeo excultam esse, quis est, qui nescit aut negat; hinc si veteres hodie reviviscerent, illius excellentiam admirarentur & obstupeferent, videntes, eam multis salutaribus innumerisque inventis & remediis multiplicatam esse. Et quamvis ad summum perfectionis gradum sic pervenisse videatur, tamen adhuc in omnibus medicinae partibus, praesertim in curatione morborum multa desiderata nobis occurrunt, quibus etiam experientissimi Medici haud egent. Difficillimam ergo hanc artem esse, nemo sane scit, nisi Medicus amplissimam artem exercens, hinc optandum esset, ut quisque juvenis Doctor, nisi in academiis collegium clinicum frequentandi occasionem habuerit, priusquam ad Praxin adspiraret, per aliquot annos, aliorum in arte peritorum lateri junctus esse posset, honorum enim vocabula non ornant, nisi & dignitatis studiorumque insignia sint, permulti tituli tantum causa, de gradu Doctoris acquirendo solliciti sunt, cum tamen de experientia colligenda studiosiores esse deberent. Tu vero Clarissime Dne Doctorande denegas illorum morem, qui nihil didicerunt, Tu potius studia Tua alacri animo, ex celeberrimorum medicinae Professorum ore, quorum fama Academiae Argentoratensi maximo semper est honori, prosecutus es, ut novo, qui Te manet, honore Te prestares quam dignissimum. Industriae itaque

F 2

Tux

Tuæ nunc testis est Dissertatio inauguralis Tua de Anagallide, herbula quidem exili, ast ratione virium energiarumque præstantium contra morsum rabidi animalis, paucis pro merito nota & hæcenus a nemine conscripta, quam Tu omnibus applaudentibus defendendam suscepisti. Voveo ut Deus huic tutissimo & probatissimo specifico remedio, quo Tuus honoratissimus beatus Pater & ego in praxi nostra optato cum successu usi sumus, etiam in posterum benedicat.

Gratulor itaque Tibi Nobilissime Candidate! de rebus Tuis optime peractis & faustissimum tam in certamine academico, quam in omnibus aliis Tuis conaminibus successum Tibi adprecor; hæc hac virtute & studio, ac perge modo eodem tramite, sic non solum Tiaram Doctoralem in Tui honorem acquires, sed etiam certissime auguro, fore, ut brevi tempore largissimos laborum Tuorum fructus colligas, vale! dabam e Museo Tabern. Montan. Calendis Maji
M DCC LVIII.



C. L. BRUCH,
MEDICINÆ DOCTORANDO

AMICO SUO ÆSTUMATISSIMO, CARISSIMO

S. P. D.

CONRADUS RAHN, M. Dr.

Thurico-Helvetius. Opponens.

Accipe hæc ea mente, qua ea TIBI offero. Ab aliquo jam tempore arcto amicitia vinculo TIBI junctus, publicum ejus ponam monumentum; aliis relinquam, qui tuas extollant laudes; his ego non immorabor. Mea enim laude non indiges, præterea vires æque ac tempus, TE pro merito laudandi mihi desunt. Si minus elegantia sunt, quæ dico, sunt tamen vera & sincera. Hunc diem, quo ad summos in Medicina honores adscendis, mihi gratissimum esse, velim persuasus sis. Sincera mente TIBI gratulor, mihi gaudeo, quod sic
labo-

laborum tuorum indefessorum fructus, eruditionis in Medicina excimie præmia reportes. Summum Numen uti hætenus, sic & in posterum conatibus tuis adnuat, eos cedere faciat in suam laudem, tuum & plurimorum commodum, TE, amice optime! diu incolumem & virtute tua beatum vivere jubeat. Velim me semper ames, mihi nunquam non carissimus eris; sic amicitia, quæ nos unit, in æternum indissoluta manebit. Vale.



CAROLO LUDOVICO BRUCH,
ERUDITO HUIUS SPECIMINIS
AUCTORI,

CONSOBRINO ET AMICO SUO SINGERO, DULCISSIMO

S. P. D.

GUIL. LUDOV. KÆMPF, M. D.

*S*anctior est amicitia atque jucundior, quæ inter nos viget, Carissime! silentio hæud penitus excipiam diem, qui TE prædicabit ornatissimum defensorem almarum, quas inauguralibus hæc paginis tradidisti, veritatum; qui candidissimo calculo notabit publicam Tuam laudem; quemque absens, non sine dolore absens, festum habebit.

Operose ficta carmina a me non expectabis. Hæud mea indigebit exhortatione publicum, ut tribuat Tibi præconia, quæ æque libenter tribuet, ac tribuerunt unanimiter Tibi amici jam dudum, quæ adeo sollicitè denegat Tua Tibi modestia.

Latissimo applausu prævideo Te accinctum, proclamari dignum medicum & salutarem. Non hæsitò quoque gratulari quam maxime ægrotis, quæ Tuis gaudebunt auxiliis. Quid enim dulcius morbo oppressis, quid suavius, quam reviviscere sub manibus medentis, dexterissimum animum exacte eruditioni jungentis?

F 3

Sed

Sed fateor : nil pene habeo, quod gratuler Tibi, Dilecte.
 „ Omnium quidem occupatorum conditio misera est, eorum ta-
 „ men miserrima qui ne suis quidem occupationibus laborant : ad
 „ alienum dormiunt somnum, ad alienum ambulant gradum, ad
 „ alienum comedunt appetitum, amare & odisse, res omnium
 „ liberrimas, jubentur. „ *Quid impedit, quo minus hæc SENECAE*
verba, huc trahantur, ad præclarum quod suscipis munus.

Nec tamen ignoro voluptatem, latentem sub arduis officiis, quæ
præstat miseris praxis medica. Summa sane voluptas Philanthropo,
Et præter dulcissimam quæque otia excellens, aliorum extruxisse salu-
tem, suis ærumnis.

Precor ex animo ut per multa prospera per Te contingant lau-
guentibus mortalibus ; ut fausta quæque Et secunda prosequantur Te,
quem prosequar ego dum spiro, tenerrima amicitia. Vale. Dabam
Neovedæ die 4to Maji 1758.



DEs Mortels, travaillés de *Rage*, de *Manie*,
 De *Goute*, de *Melancholie*,
 Vous calmés toute plainte & lamentation ;
L'Anagallis leur fait changer de note.
 La preuve des Vertus de ce grand Antidote
 Prouve vôtre Erudition.

Recevés Monsieur BRUCH, les Félicitations Et assurances
d'Amitié que vous envoye de Montbéliard

Vôtre très-humble Serviteur & sincère
 Ami


D. C. E. BERDOT,
 Licentié en Médecine
 Conseiller de S. A. Serme Mgr. le Duc
 de Wurtemberg.

Freund

Das, was Du heute zeigst, ein Arzt und klug zu seyn,
Schließ keinen Widerspruch in seinem Umfang ein,
Und unsre Wissenschaft, sey dann erst hoch zu schätzen,
Wann sie dem Nächsten nützt, und Weise kan ergötzen.
Freund dieses ist Dein Glück, kein Wunsch gehört darzu
Vernünftig-glücklich seyn, ist leben, so, wie Du.

Hochzuehrender Herr ! Nehmen Sie von mir diese wenige Zeilen
als ein Zeichen einer billigen Hochachtung gegen Sie an, und
glauben Sie, daß ich mir keine geringe Ehre daraus mache mich
zu nennen

Ihren ergebensten Freund
J. F. Consbruch, von Stuttgart.
der A. B. B. und Oppon.



Freund nimm Hygeens Kranz, Dein rühmliches Bemühn,
Dein Fleiß, Dein heutger Streit, Dein Herz verdient ihn,
Ich war Dein Gegner zwar, doch meine Zweifel schwiegen,
Du siegest über sie, und froh sah ich Dich siegen.
Geh um die Deinigen, die Siechen zu erfreun,
Dem Staat ein nützlich Glied, der Kunst ein Ruhm zu seyn.

Hiemit wollte Seinem Werthgeschätzten Freund
sich Glück-wünschend empfehlen

ein aufrichtiger Freund,
Georg Albrecht Fried, Argentinensis,
Der Arzenej, und Hebammen-Kunst beflüssener,
Opponens.

Wie

Wie sollte Dich mein Freund ein schwaches Loblied preisen.
Da selbst Hygea Dich erhebt?
Und bald der Lorbeer-Kranz um Deinen Scheitel schwebt;
Den Dir Dein Eifer längst verheissen.
Nein meine Zärtlichkeit allein
Soll Dir getreue Wünsche weh'n.
Beständig soll, mein Freund, Dein Leben
Das Glück, so Du verdienst, umgeben.

Dieses wollte zum Andenken seiner Freundschaft
mit beysagen

JOH. FRID. LOBSTEIN, Med. Stud.
Opponens.

